



ЗАЩИТНИК НЕБЕСНЫЙ МОЛИТВОСЛОВ



КАНОНЫ ОБЩИЕ
КО ВСЕМ СВЯТЫМ
НЕБЕСНЫМ
ПОКРОВИТЕЛЯМ

ПРАВИЛО
КО СВЯТОМУ
ПРИЧАЩЕНИЮ

ДЕНЬ АНГЕЛА
(ИМЯСЛОВ)

Сборник Защитник небесный. Молитвослов

*Текст предоставлен правообладателем
http://www.litres.ru/pages/biblio_book/?art=44910810
Защитник небесный: Сатисъ; Санкт-Петербург; 2002
ISBN 5-7373-0207-5*

Аннотация

Новый молитвослов «Защитник небесный» предназначен для келейного чтения. Впервые, кроме традиционных молитвословий (утреннего и вечернего правила, молитв в продолжение дня, последования ко святому причащению), в нем помещены также общие каноны ко святым небесным заступникам, прославленным Церковью. Каноны общие печатаются в русской транскрипции в текстологическом соответствии с Общей Минеей (Издательство Московской Патриархии, 1998 год).

Содержание

Чин чтения канонов	7
Канон Ангелам и Архангелам	12
Канон всем святым	21
Канон общий пророку единому	30
Конец ознакомительного фрагмента.	38

Защитник небесный



*По благословению
Митрополита Санкт-Петербургского и Ладозского
ВЛАДИМИРА*



КАНОНЫ ОБЩИЕ КО ВСЕМ СВЯТЫМ

НЕБЕСНЫМ ПОКРОВИТЕЛЯМ

ПРАВИЛО КО СВЯТОМУ ПРИЧАСТИЮ

ДЕНЬ АНГЕЛА (ИМЯСЛОВ)

* * *

Как молиться своему небесному покровителю, если молитву и акафист ему не найти? Такой вопрос возникает довольно часто, поскольку многим православным святым молитвы не составлены или встречаются крайне редко.

Как обратиться к святому, имеющему особую благодать помогать в какой-либо немощи и скорби житейской, если молитву ему не найти в молитвословах? Где найти молитвы тем святым, которые недавно прославлены Церковью, если службы им еще не опубликованы?

Для разрешения подобных вопросов у православных христиан существуют общие молитвословия, составленные ко

святым одного лика.

В этой книге вы найдете общие каноны и молитвы: про-рокам, апостолам, святителям, преподобным отцам и же-нам, мученикам и мученицам, безмездникам и чудотвор-цам, Христа́ ради юродивым. Здесь также помещен указатель имен православных святы́х с обозначением дней праздни-вания их памяти и объяснением значений имен.

В общих канонах раскрываются подвиги, свойственные каждому лику святы́х. Их содержание может не совпадать с внешними событиями из жизни какого-либо святого. На-пример, не всех мучеников терзали дикие звери и не всех водворяли в огненную печь, но эти мучения по своим свой-ствам прообразовывают иные испытания, которые претерпе-вали святые.

Читая общие каноны и молитвы, необходимо вставлять имя святого заступника, к которому Вы обращаетесь, вместо указанного в тексте канона слова имярек.

Чин чтения канонов

Общее начало чтения канонов

Бóже, очисти мя, грешнаго. (*Поклон*).

Созда́вый мя, Гóсподи, помилуй мя. (*Поклон*).

Без числа согреших, Гóсподи, помилуй и прости́ мя, грешнаго. (*Поклон*).

Моли́твами святы́х оте́ц на́ших, Гóсподи Иису́се Христе́ Бо́же наш, помилуй нас. Ами́нь.

Сла́ва Тебе́, Бо́же наш, сла́ва Тебе́. Царю́ Небе́сный, Уте́шителю, Ду́ше и́стины, Иже везде́ сый и вся исполня́яй, Сокро́вище благих и жизни Подателю, прииди и вселися в ны и очисти ны от всякия скверны, и спаси, Бла́же, души наша.

Святы́й Бо́же, Святы́й Крепкий, Святы́й Безсмертный, помилуй нас. (*Трижды*).

Сла́ва Отцу́ и Сы́ну и Свято́му Ду́ху, и ныне и присно и во веки веков. Ами́нь.

Пресвя́тая Троице, помилуй нас, Гóсподи, очисти грехи наша, Влады́ко, прости́ беззакония наша, Святы́й, посети и исцели немощи наша, имене Твое́го ради.

Гóсподи, помилуй. (*Трижды*).

Сла́ва Отцу́ и Сы́ну и Свято́му Ду́ху, и ныне и присно и

во веки веков. Амѣнь.

Отче наш, Иже еси на небесех, да святится имя Твое, да приидет Царствие Твое, дабудет воля Твоя, яко на небеси и на земли. Хлеб наш насущный даждь нам днесь, и остави нам долги наша, якоже и мы оставляем должником нашим. И не введи нас во искушение, но избави нас от лукаваго.

Господи, помилуй. (*12 раз*).

*Слава, и ныне:*¹

Приидите, поклонимся Цареву нашему Богу.

Приидите, поклонимся и припадем Христу, Цареву нашему Богу.

Приидите, поклонимся и припадем

Самому Христу, Цареву и Богу нашему.

Псалом 50

Помилуй мя, Бже, по велицей милости Твоей. И по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя; яко беззаконие мое аз знаю, и грех мой предо мною есть выну. Тебе Единому согреших и лукавое пред Тобю сотворих, яко да оправдишися во словесех Твоих и победиши внегда судити Ти. Се бо, в беззаконіих зачат есмь, и во гресех роди мя мати моя. Се бо, истину возлюбил еси: безвестная и тайная

¹ Вместо «Слава:», «И ныне:» следует читать полностью «Слава Отцу и Сыну и Святому Духу», «И ныне и присно, и во веки веков. Амѣнь».

премудрости Твоея явил ми еси. Окропиши мя иссопом, и очищуся; омыеши мя, и паче снега убелюся. Слуху моему даши радость и веселие: возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне, Бóже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебѣ обратятся. Избави мя от кровей, Бóже, Бóже спасения моего; возрадуется язык мой правде Твоей. Гóсподи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Бóгу дух сокрушен; сердце сокрушенно и смиренно Бог не уничижит. Ублажи, Гóсподи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая, тогда возложат на олтарь Твой тельцы.

Символ веры

Вѣрую во единого Бóга Отца, Вседержителя, Творца небу и земли, видимым же всем и невидимым. И во единого Гóспода Иисуса Христа, Сына Бóжия, Единорóднаго, Иже от Отца рожденнаго прежде всех век; Света от Света, Бóга истинна от Бóга истинна, рожденна, несотворенна, единосущна

Отцѹ, Имже вся быша. Нас ради человек, и нашего ради спасения, сшедшаго с небес, и воплотившагося от Дѹха Свята и Маріи Дѣвы, и вочеловечшася. Распятаго же за ны при Понтийстем Пилате, и страдавша, и погребенна. И воскресшаго в третий день по Писанием. И возшедшаго на небеса, и сидяща одесную Отца. И паки грядущаго со славою судити живым и мертвым, Егоже Царствию не будет конца. И в Дѹха Святаго, Гóспода, Животворящаго, Иже от Отца исходящаго, Иже со Отцем и Сыном спокланяема и сславима, глаголавшаго пророки. Во едину Святую, Соборную и Апостольскую Цѣрковь. Исповѣдую едино крещение во оставление грехов. Чаю воскресения мертвых, и жизни будущаго века. Амѣнь.

Далее читается канон.

После канона:

Достойно есть яко воистину блажити Тя, Богородицу, Присноблаженную и Пренепорочную и Матерь Бóга нашего. Честнейшую Херувім и славнейшую без сравнения Серафим, без истления Бóга Слова рождшую, сущую Богородицу Тя величаем.

Трисвятое, по Отче наш.

Гóсподи, помѣлуй. (40 раз).

Честнейшую Херувім и славнейшую без сравнения Серафим, без истления Бóга Слова рождшую, сущую Богородицу Тя величаем.

Слава, и ныне: Гóсподи, помѣлуй.

(Трижды). Гóсподи, благослови.

Господи Иисусе Христе, Сыне Божий, молитв ради Пречистыя Твоея Матере, преподобных и богоносных отцев наших и всех святых, спаси мя, грешнаго. Аминь.

Боже, очисти мя, грешнаго. (*Поклон*).

Сздавый мя, Господи, помилуй мя. (*Поклон*).

Без числа согреших, Господи, помилуй и прости мя, грешнаго. (*Поклон*).

Канон Ангелам и Архангелам

Тропарь, глас 4

Небесных воинств Архистратизи, молим вас присно мы недостойнии, да вашими молитвами оградите нас кровом крил невещественная ваша славы, сохраняюще ны припадающия прилежно и вопиющия: от бед избавите ны, яко чиновначальницы вышних сил.

Величание

Величаем вас, Архангели и Ангели и вся воинства, Херувими и Серафими, славящии Господа.

Или сие: Величаем вас, Архангели, Ангели, Начала, Власти, Престоли, Господствия, Силы и Херувими, 14 страшнии Серафими, прославляющии Господа.

Глас 8. Песнь 1

Ирмос: Песнь возснем, людие, чудному Богу нашему, свободившему Израиля от работы, песнь победную поюще и вопиюще: поим Тебе, Единому Владыце.

Припев: Святѣи Архангели и Ангели, молитѣ Бѣга о нас.²

Вси воспѣим, людѣе, всѣ направляющую невещественныя лики вышняго чиноначалѣя, Трѣицу Несозданную, поюще: Свят, Свят, Свят есѣ, Бѣже Вседержителю.

Положил есѣ тварем начатокъ существо безплотное, Творче Ангелов, Пречистый Твой Престолъ окружающа, звати Ти: Свят, Свят, Свят есѣ, Бѣже Вседержителю.

Радуйся, Гаврииле, Бѣжѣя воплощенѣя возвестителю, Михаиле же, чинов невещественныхъ предстателю, непрестанно зовуще: Свят, Свят, Свят есѣ, Бѣже Вседержителю.

Припев: Пресвятая Богородице, спаси нас.

Богородичен:

Трепещу таинства, Христѣ, Твоего схождение, яко иже естествомъ Богъ, приял есѣ отъ Дѣвы родитися яко человекъ, да спасеши миръ отъ работы сопротивнаго.

Песнь 3

Ирмос: Страхъ Твой, Гѣсподи, всади въ сердца рабъ Твоихъ, и буди намъ утверждение, Ты во истинѣ призывающимъ.

² В канонахъ припевъ какъ молитвенное воззваніе произносится передъ первымъ, вторымъ (и третьимъ, когда онъ есть) тропаремъ каждой песни, но не читается передъ тропарями, начинающимися со «Слава:» и «И ныне:».

Крепостию уставил еси́, безсмертне, сильныя, совершающия Пресвятое Твое́ хотение, Тебе́ ввышних всегда предсто-
ящия.

Ходатаи Твое́го вочеловечения и честнаго возстания, ан-
гельския чиновачальники, Христэ́, за ны приими молящия-
ся.

Ангелы приставил еси́ хранители человеком, яко благоу-
тробен, служители же показал еси́, Христэ́, спасения Твоём
угодником.

Богородичен:

Неизречено рождши, Богоневесто, Спаса и Го́спода, изба-
ви нас от тли, Тя воистинну призывающих.

Седален, глас 8:

Небесных начальниче и первостоятелю высокопрестоль-
ных и страшных Божественных славы, Михаиле Архистрати-
же, Ангелом чиновачальниче, со всеми безплотными, Ему-
же служиши Владыце, о всем мире непрестанно молися и
испроси оставление грехов, и милость и благодать обрести
вдень судный.

Сла́ва, и ныне:

Богородичен:

В пучину люте впад уныния, от множества лукавых и без-
законных ми дел, приидох в недоумение, и отчаянием ныне

одержуся: Владычице Богородице, Ты мя спаси, Ты ми помози: грешных бо Ты еси очищение и чистота спасительная.

Крестобогородичен:

От чистых кровей Твоих воплощаяся, и паче ума из Тебѣ, Чистая, рождагося, на древе висяща по среде злодею зрящи, утробою болезновала еси и матерски плачущи вопияла еси: увы мне, Чадо Мое, что есть Божественное и неизреченное смотрение Твое, имже оживотворил еси создание Твое; пою Твое милосердие.

Песнь 4

Ирмос: Всел еси на кони апостолы Твоя, Господи, и приял еси рукама Твоима узды их, и спасение бысть еждение Твое верно поющим: слава силе Твоей, Господи.

Всел еси на Ангелы, якоже на кони, Человеколюбче, и приял рукою Твоею вожда их, и спасение бысть еждение Твое верно Ти вопиющим: слава силе Твоей, Господи.

Покрывает Ангелы добродетель Твоя, Безсмертне, и земная исполняет концы Твоего славнаго, Безначальне, Божественнаго хваления: с нимиже Тебѣ вопием: слава силе Твоей, Господи.

Изшел еси, Щедре, на спасение людем Твоим, Христѣ: созываеши же други, силы Твоя, и веселие бысть во спасении

Твоём безвещным, вопиющим: слава силе Твоей, Господи.

Богородичен:

Дева и Мати паче естества явилася еси, Пречистая, яко Бóга, Тогоже и Человека Христа родила еси, от Ангел хвалимаго: людей Твоих печаль переложи на радость молитвами Твоими.

Песнь 5

Ирмос: От нощи неведения Боговедением просветивый концы, просвети мя утром человеколюбия Твоего, Господи.

Невозвратным желанием всегда к высоте, Христé, носи-ми, крайнее всех желание, ангельския силы непрестанно славят.

Ты разумныя по существу, нетленныя благодатию Твоею, Христé, поставил еси певцы Твоему величеству, Ангелы Твоя по образу соделав, Непостижиме.

Ты непреклонны на горшая, к Тебé приближением, Христé, сохранил еси Твоя слуги: источник бо благи Ты еси, благотворя достойно Ти служащим.

Богородичен:

Умерщвленную мою душу страстьми мерзкими, Всенепорочная, оживи, животу Хранителя рождши, и к стезе вечней

и блаженному житию устреми.

Песнь 6

Ирмос: Иону в ките, Гóсподи, единаго вселил еси́, мене же связаннаго мрежами вражими, яко от тли онаго, спаси.

Боголепно от несущества, Гóсподи, словом привел еси́ существа Небесных, Безсмертне, воинств, световидны сих соделовая.

Служителие честнии Бóжия хваления бысте, безплотнии, граждане Небеснии, и Бóжественная воистину скиния, Творцу достойно служаще.

Богородичен:

Всепетая, Света породши, всем свет дающаго, тму моих прегрешений, Чистая, отжени Матерними Твоими́ к Нему молитвами.

Кондак, глас 2:

Архистратизи Бóжии, служителие Бóжественныя славы, Ангелов начальницы и человеков наставницы, полезное нам просите и велию милость, яко безплотных Архистратизи.

Икос:

Рекл еси́, Человеколюбче, в писаниих Твои́х, множеству

радоватися Ангел о человеце едином кающемся, Безсмертне: тем и мы в беззаконних суще, безгрешне Едине Сердцеведче, Тя молити всегда дерзаем яко благоутробнаго, ущедрити нас и послати недостойным умиление, Владыко, и подати нам прощение грехов: о всех бо нас молятся Тебѣ, яко безплотных Архистратизи.

Песнь 7

Ирмос: Отроцы еврейстии в печи попраша пламень дерзновенно и на росу огонь преложиша, вопиюще: благословен еси, Господи Бже, во веки.

Светы явил еси, щедре, Ангел Твоих невещественное существо, неизреченнаго света исполняемы, непрестанно зовущия: благословен еси, Господи Бже, во веки.

Емуже предстоят непрестанно служаща тмы ангельския, лица же зрети не терпят Бжества: благословен еси, зовуща, Бже, во веки.

Словом Твоим ипостасным, Господи, ангельское естество соделал еси, освятив же Бжественным Духом, Троицу богословити научил еси, Бже, во веки.

Припев: Пресвятая Троице, Бже наш, слава Тебѣ.

Богородичен:

Три убо зряще сущия Ипостаси, неописанное славим Су-

щество, Отца и Слова со Духом, вопиюще: благословен еси, Господи Бже отец наших.

Песнь 8

Ирмос: На горе святей прославльшася и в купине огнем Приснодэвы Моисеови тайну явльшаго, Господа пойте и превозносите во вся веки.

Ангельскому поревнуем житию и разум вперим к высоте, и с ними невещественно воспоем Господа и превозносим во веки.

Ликовственницы лика Небеснаго, иже Престол обстояще славы, о Бозе всегда обращаеми, Ангели поюти славословят во вся веки.

Невещественна огня творящей пламы, на высоте непрестанно служащих, и Ангелы духи являющей Троице поклоняемся и славословим во вся веки.

Богородичен:

Иже во утробу всельшася Дэвы, и от Сея странно и выше слова, древняго Адама наздавша, Господа поем и славословим во веки.

Песнь 9

Ирмос: Уставы прешла еси естества, Содетеля заченши и Гóспода, и дверь спасения миру была еси. Тем Тя, Богородице, непрестанно величаем.

Тя, неизреченно совокупившаго Небесным, Христé, земная, и едину Цёрковь совершивша Ангелом и человеком, непрестанно величаем.

Ангели и Архánгели, Престоли, Власти же и Господствия, Начала и Силы, и Херувíми и Серафими, с Богородицею о мире молитесь.

Троичен:

Тя, Троице, славим, от небытия вся сотворившую, и чины ангельския украсившую, и Бóжественными зарями просветившую концы.

Богородичен:

Радуйся, святая Богоневесто, радуйся, Свет миру рождши верным, радуйся, стено и Покрове всех нас. Бóга, яко Благодателя, за ны непрестанно моли.

Канон всем святым

Тропарь, глас 4

Бóже отéц нáших, творяйприсно с нами по Твоёй крото-сти, не остави милость Твою́ от нас, но молитвами их в мире управи живот наш.

Кондак, глас 8

Апостол проповедание, и отéц догматы, Церкви еди́ну ве-ру запечатлеша, яже и ризу носящи истинну, истканну от еже свыше богословия, исправляет и славит благочестия великое таинство.

Глас 8. Песнь 1

Ирмос: Песнь возснем людие чудному Бóгу нашему, свободившему Израиля от работы, песнь победную поюще и во-пяюще: поем Тебé Единому Владыце.

Прпев: Все святии, молитте Бóга о нас.

Пророческий соборе, апостольское сословие, мученик во-

инства, Владыку всех молитесь спастися мне, прегрешении многими обдержимому.

Иераршеский соборе, преподобнии и праведнии вси, благовечных улучшить молитесь, верую вас блажащим.

Слава: Всех святых Твоих, Господи, воспеваем чини, яко молитвами их озаряеши души наша: Ты бо еси Свет неприступный, неведения мрак отгоняяй, присносущными Твоими светлостями.

И ныне: Пресвятая Дево Мати, яже Бога, Пресвятое Слово, родила еси, освяти всех верую Тя со всеми святыми славящих, молимтися.

Песнь 3

Ирмос: Ты еси утверждение притекающих к Тебе, Господи, Ты еси Свет омраченных, и поет Тя дух мой.

Священнейший лик вас Божественных пророк величаем, и мученик множество, пострадавших крепко, почитаем молящися: да юже славу получите, сея и мы причастницы быти сподобимся вашими молитвами.

Святейшии Христовы иерарси, и честнии преподобных собори, со всеми святыми о всех нас Человеколюбца Бога молитесь, молим вы.

Слава: Закону повинующеся Твоему, угодников Твоих собори, многообразными добродетельми осветишася: сего ра-

ди наследницы быша обителей

Твои́х Небесных, Влады́ко Царю́: ихже молитвами, да и нас таможде вселиши, Премилостиве.

И ныне: Богорадованная Чистая, со всеми пророки, мудрыми, апостолы, священномученики и со всеми праведными, моли Гóспода, я́ко да совершенное разрешение прегрешений приемем.

Песнь 4

Ирмос: Услышах, Гóсподи, смотрения Твоёго таинство, разумех дела Тво́я и прославих Твоё Бóжество.

Восхваляем вас, благоглаголивии пророцы, и воспеваем боговидцы апостоли, со всеми добре о Господе течение совершавшими: я́ко да молитвами вашими и мы настоящего жития течение богоугодно совершити возможем.

Яко многосветлыя звезды, добродетелей светлостию озаряете верных исполнения, преподобнии отцы наши, и вси Бóжии угодницы: сего ради вас уболажаем.

Сла́ва: Совокуплься собор святы́х Твои́х, Гóсподи, ради любви, и тоя наслаждающесе, со Ангелы ликует о Тебё, Всевидче Гóсподи всех: егоже ликовствования да и нас сподобиши, молитвами угодников Твои́х, Всесильне.

И ныне: Едина Бóга Воплощеннаго рождши, Всесвятая, Того умоли в день страшный всех нас спасти, и жизни веч-

ныя, и света сподобити, егоже зрят вси добре угодившии.

Песнь 5

Ирмос: Утренююще вопием Ти, Гóсподи, спаси ны: Ты бо еси Бог наш, разве Тебé иного не вемы.

Святителие, пророцы, преподобнейшии отцы и богоносцы, лучами Дúха просвещающе всю тварь, тму разорайте страстей нáших, молим вы.

Раны ваша и язвы, врагу явишася язвы неисцельныя: язвы же ныне исцеляют всем верным, страдальцы Господни.

Слáва: Иерархи Твоя, и священномученики, и вся святя просветивый, Гóсподи, тех молитвами ущедри мя, ведый безмерная моя прегрешения.

И ныне: Пречистая Дево, похвало мучеников, преподобных и праведных, и всех святых, от всякаго мучительства лукаваго изми мя, молюся.

Песнь 6

Ирмос: Ризу мне подаждь светлу, одейся светом яко ризою, Многомилостиве Христé Бóже наш.

Денница светозарная познани бысте на земли, благоче-

стия светом озаривше верныя, преславнии Христовы оруженницы и святителие праведнии.

Умерщвлени бывше ран многих наведенными, жизнь истинную наследовасте: вкупе молитв Христу спасти вся верныя, святии мученицы.

Слава: Слава премудрым святителем, и преподобным, и всем святым, Ты еси, Христэ: молитвами их люди Твоя ущедри, ихже Своею кровию, яко Человеколюбец, стяжал еси.

И ныне: Воспеваем Тя вернии, Богородованная Владычице: Препетаго бо Бога родила еси. Егоже моли, Пречистая, граду и людем Твоим в мире спастися.

Кондак, глас 8

Яко начатки естества Насадителю твари, вселенная приносит Ти, Господи, богоносныя мученики: тех молитвами в мире глубоце, Церковь Твою, жительство Твое, Богородицею соблюди, Многомилостиве.

Икос:

Иже по всей земли мучившиися, и на Небеса преселившиися, иже страсти Христовы подражавшии, и страсти наша отъемлющии, zde днесь собираются, перворожденных показующе Церковь, яко горния образ содержащу, и Христу вопиющую: Бог мой еси Ты, Богородицею соблюди мя, Многомилостиве.

Песнь 7

Ирмос: Отроцы благочестивии в Вавилоне образу златому не поклонишася, но по среде огненныя печи орошаеми, песнь воспеваху, глаголюще: превозносимый отцев и нас, Бóже, благословен еси́.

Святых чини, во святых почивающаго немолчно восхваляюще, пищи небесныя наслаждается, и радующеся ликуете поюще: отцев наших Бóже, благословен еси́.

Светозрачнии святителие, и преподобнии, и пророцы, и священномученик досточудное множество, и в постничестве просиявшии светло, присно о нас молитесь, да помиловани будем, поющии с вами: отцев наших Бóже, благословен еси́.

Сла́ва: Радующеся поем Твоих, Гóсподи, всех святых собор отвсюду собравшихся, и роды вкупе, и достоинства, и жительства, и с ними поем зовуще: отцев наших Бóже, благословен еси́.

И ныне: Смученики, Пречистая, с преподобными отцы, с пророки и всеми святыми, во святых Единого Почивающаго умоли всех освятити нас, славословящих Тя во вся веки.

Песнь 8

Ирмос: Богоглаголивии отроцы в пещи, со огнем пламень попирающе пояху: благословите дела Господня, Гбспода.

Святителие, пророцы, апостоли, мученицы и вси святии, подвиг скончавше, священное улучисте водворение со Ангелы: с ними же просите очищения всем нам и велия милости.

Умертвивше плоть болезнями многими, жизни сподобистесь будущия, преподобнии: юже получитьи и нам молитесь, угодницы Ббжии, молим вы.

Слава: Священницы Твои, Христé, правдою облечени преподобне и вси святии от века, ныне купно радуются, Твою доброту зряще Ббжественную яснейше: юже зрети и нас, ради святых Твоих предстательства сподоби, Человеколюбче.

И ныне: Богородительнице Чистая, со всеми пророки, и мученики, и преподобными, священномученики и со всеми святыми, ущедрити нас Всемилостиваго Спаса моли, молим-тися.

Песнь 9

Ирмос: Воистину Богорбдицу Тя испове дуем, спасеннии Тобю, Дево Чистая, с безплотными лики Тя величающе.

Вас, священнодейственни и пастырие, пророк святых лик, праведных безчисленное множество, мученик собор, постников, девственников и всех святых, священными песнями убожаем, да молитесь всех Владыку о спасении душ наших.

Яко служителие Владыце, священнотаинницы явльшесе, совокупистесе служителем небесным: с нимиже о нас моления приносите, молим вас.

Слѡва: Со священномученики купно, и со всеми пророки, убожаем вся преподобныя и праведныя, девы и жены светло доблествовавшия: тех мольбами, Христѣ, избави геенны души наша.

И ныне: Щедролубиваго Бѡга рождающая плотию, со святыми всеми моли Того присно от бед спасти нас, всегда Тя величающих, Мати Дево Чистая.

Молитва

Бѡже святыи и во святых почиваяи, трисвятым гласом на небеси от Ангел воспеваемый, на земли от человекво святых Своих хвалимый, давый Святым Твоим Духом коемуждо благодать по мере дарования Христова, и тою поставивый Церкви Твоей Святей овы апостолы, овы пророки, овы же благовестники, овы пастыри и учителя, ихже словом проповеди, Тебѣ Самому действующему, вся во всех мнози совершишася святии, в коемуждо роде и роде, различными благо-

детельми благоугодивши Тебѣ, и к Тебѣ, нам образ добрых подвигов своих оставивше, в радости пришедши, готови, в немже сами искушени быша, и нам напастваемым помогати. Сих святых всех и (*имя святого*) воспоминая и их богоугодное похваляя житие, Тебѣ Самаго, в них действовавшаго и еже хотети, и еже творити, похваляю, и оных благотворения, Твоя дарования быти веруя, прилежно молю Тя, Святе святых: даждь ми, грешному, последовати их учению, житию, любви, вере, долготерпению, и их молитвенным пособием, паче же Твоею вседействующею благодатию, небесныя с ними сподобитися славы, хваляще пресвятое имя Твое, Отца и Сына и Святаго Духа во веки. Аминь.

Канон общий пророку единому

Тропарь, глас 2

Пророка твоего имярек память, Господи, празднующе, тем ты молим: спаси души наша.

Величание

Величаем ты, пророче Божий (имя – рек), и чтим святую память твою: ты бо молиши за нас Христа Бога нашего.

Глас 6. Песнь 1

Ирмос: Яко по суху пешешествова в Израиль, по бездне стопами, гонителя фараона видя потопляема, Богу победную песнь поим, вопияше.

Прпев: Святыи пророче Божий (имярек), моли Бога о нас. Ты молим, пророче, Божию престолу предстояща, молити прилежно, просвещение даровати нам, верою честною поющим память твою.

Орган божественный явился еси, вмещающ Божественна-

го Духа просвещений и даров (*имярек*), всеумудре: тем радуешься вернии ты ублажаем.

Спасителю Бóгу пророчески предстоя, ныне со дерзновением молися, свещательными лучами просвещати верою, богодохновенне, ты блажация.

Богородичен:

Светлейшими зарями всю землю, возсиявшее солнце из святого чрева

Твоего, озаряет, Владычице: имиже просвещшися, Тя, Божию Матерь, почитаем.

Песнь 3

Ирмос: Несть свят, якоже Ты, Гóсподи Бóже мой, вознесый рог верных Твоих, Бла́же, и утвердивый нас на камени исповедания Твоего.

Вся видяй яко Бог, будущих знание, и хотящих быти ведение, тебе явленно проявляет боголепно и показывает, блаженне досточудне.

Вжилив, блаженне, твой ум благочестным дерзновением, Духу Бóжественному подклонил еси тебе, и был еси приятен тамо сущих Бóжественных дохновений.

Вод таинственных река, из пучины происходя, даров Духа, боговещателю, был еси.

Богородичен:

Се Тя вси роди блажатверою, безлетное Слово плотию в лето рождшую преестественно, и Деву паки пребывшую.

Седален, глас 6:

Очистив от скверн ум, всеумудре, зеркало божественное соделал еси, луч приятно Божественнаго Духа: и ныне ко источнику радуясь отшел еси сияний, пророче (*имярек*).

Слава, и ныне:

Богородичен:

Преславную Божию Матерь, и святых Ангел Святейшую, немолчно воспоемсердцем и усты, Богородицу сию исповедающе, яко воистину рождшую Бога воплощенна, и молящуюся непрестанно о душах наших;

Крестобогородичен:

Нас ради распятаго, приидите вси воспоем. Того бо виде Марианадреве, и глаголаше: аще и распятие терпиши, ты еси Сын и Бог мой.

Песнь 4

Ирмос: Христосмоя сила, Бог и Господь, честная Церковь боголепно поет зывающи, от смысла чиста, о Господе празд-

нующи.

Всех Господь нам явился, по пророчеству, блаженне, твоему, вся призывая к познанию своему, и работы свободы. Благодатию озаряем, провозгласил еси глаголя: под иго едино подклоняющимся работати, последующим вере и Господу служащим.

Пророк сый, присно зарями светодательнаго блистания просвещаем, просвети ны, блаженне, любовию поющия тя.

Богородичен:

Марие Всечистая, страстей смущение моего помысла, и напастей бурю разори, безстрастия источник рождши, милости Дево.

Песнь 5

Ирмос: Божиим светом Твоим, Блаже, утреннюющих Ти души любовию озари молюся, Тя ведети, Слове Божий, истиннаго Бога, от мрака греховнаго зывающа.

От неправды к добродетели, и от страстей пленения мя, блаженне, обрати, твоими мольбами, пророче славне, и к свету благочестия дел управи.

Просветив твою душу добродетелей благообразиями, угодну показал еси к сиянием Божественнаго Духа: от него

же и пророчества благодатию обогатился еси.

Пророк Божественный быв, чисто житие имея, и приятельще был еси Святаго Духа: тем зрети сподобился еси невидимо разумеваемаго.

Богородичен:

Возглашают пророческая речения, Пречистая, многими образы рождество Твое: ихжемыныне сбытие зряще, истинно Богородицу Тя возвещаем.

Песнь 6

Ирмос: Житейское море, воздвизаемое зря напастей беру, к тихому пристанищу Твоему притек вопию Ти: возведи от тли живот мой, Многомилостиве.

Прием, славне, Духа зари, явлением яко зеркало пророчества Божественного сияния, миру облистал еси, яко сущая пророчествуя будущая.

Твой прииде царь, радуйся, Сионе, и красуйся видя, и мир просвети блистаньми своего божества, идемонскую лесьть посрами.

Силою Духа Божественного зрел еси, пророче, будущая, образы приемля Божественных явлений, яко в зеркале души светлостию.

Богородичен:

Плоти брэнней соединися, Иже из Отца Единородный, в ложеснах Твоих един из двух пройде без тления, соблюди неврежденно чистое девство Твоё, Всепетая.

Кондак, глас 4

Просветившееся Духом чистое твое сердце, пророчества бысть светлейшаго приятелище: зриши бо яко настоящая далече сушая: сего ради ты почитаем, пророче блаженне (*имярек*) славне.

Икос:

Пророчества благодатию обогащяся, будущих разуму боголепно научился еси Духом, (*имярек*) богодохновенне, и предглаголеши всем Христово пришествие, и языков пребогате Божественное призвание. Темже честную твою память празднуем, и любовьию поем ты, и верно ублажаем зывающе ти, славне: моли Христа Бога непрестанно о всех нас.

Песнь 7

Ирмос: Росодательну убо пещь содела ангел преподобным отроком, халде иже опаляющее веление Божие, мучителя увеща вопити: благословен еси, Боже отец наших.

Возсия память твоя, пророче, миру якоже солнце, озаря-

ющи пророчества благодатию твоею, согласно поющая вер-
но: благословен еси́, Бóже отéц нáших.

Тучнейший облак ты явился, тучу благоразумия нам воз-
сиял еси́, от спасительных, блаженне, источников, имиже
просвещаемся вопити: благословен еси́, Бóже отéц нáших.

От Гóспода просвещени пророцы прорицают будущих ра-
зум, богомудренно зывают Слово, еже искони быти, Емуже
поем: благословен еси́ Бог отéц нáших.

Богородичен:

Слово, древле еже быти подающее всем, Бóжественным
хотением, воззвати восхотев человека, Чистая, в Твою́ все-
лися утробу, Благословенная, яже Бóга плотию рождшая.

Песнь 8

Ирмос: Из пламене преподобным росу источил еси́, и пра-
веднаго жертву водою попалил еси́: вся бо твориши, Христé,
токмо еже хотети. Тя превозносим во вся веки.

Возложен весь Вседержителю, промышления образом
тайно научился еси́, строительно языки наказуя: тем ты поем,
пророче богоглаголиве.

Молебное пение Бóгу принеси о поющих тя, богоблажен-
не, и напастей разори смущение, да ты поем, пророче бого-
глаголиве.

Яко огонь во тме сидящим всем явился еси́, Божественным светом богомудренно озаряя поющия верно Гóспода во веки.

Богородицн:

Жизнодавца рождши Бóга и Гóспода, смертное губительство неудержное, устави́ла еси́, Пречистая, сие умертвивши: тем Тя поем во вся веки.

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.